

Ո Ր Ո Շ ՈՒ Մ

Վարչական բողոքը մասնակի բավարարելու, ճանապարհային ոստիկանության վարչական տույժ նշանակելու մասին 19.12.2017թ. թիվ 1707334932 որոշումը բեկանելու, իսկ 19.12.2017թ. թիվ 1707334898 որոշումն անփոփոխ թողնելու մասին

<< 23 >> 02 2018թ. 17-4-6335-18/17-4-2690

ք. Երևան

ՀՀ ոստիկանության ճանապարհային ոստիկանության պետ, ոստիկանության գնդապետ Ե. Կարապետյանս, վերանայելով Հրանտ Թադևոսյանի դիմումի քննարկման արդյունքում ստեղծված նյութերը՝

Պ Ա Ր Զ Ե Ց Ի

Երևան քաղաքի Պարոնյան փողոցի 3-րդ նրբանցքի 20-րդ տան բնակիչ Հրանտ Թադևոսյանը դիմումով խնդրել է բեկանել ճանապարհային երթևեկության կանոնները խախտելու համար կայացված վարչական տույժ նշանակելու մասին 19.12.2017թ. թիվ 1707334932, 1707334898 որոշումներից մեկը՝ նշելով, որ նույն իրավախախտման համար կայացվել է երկու որոշում:

Դիմումի քննարկման արդյունքում պարզվել է, որ դիմումատուի խնդրանքը ենթակա է բավարարման՝ հետևյալ պատճառաբանությամբ.

Ճանապարհային ոստիկանության 19.12.2017թ. թիվ 1707334932, 1707334898 որոշումների հիմքում դրված տեսանյութերը փաստում են, որ դիմումատուին պատկանող տրանսպորտային միջոցը կանգնած է Երևան քաղաքի՝ Նայաթ-Նովա - Աբովյան փողոցների խաչմերուկի հատվածում նույն դիրքով և՛ չկան ապացույցներ՝ վարորդի կողմից տրանսպորտային միջոցը վարելու և իրավախախտումը կրկին կատարելու վերաբերյալ:

Նկատի ունենալով, որ նշված վայրում կանգառ կատարելու համար դիմումատուն ճանապարհային ոստիկանության 19.12.2017թ. թիվ 1707334898 որոշմամբ արդեն իսկ ենթարկվել է վարչական պատասխանատվության, հաշվի առնելով իրավախախտումը կրկին կատարելու փաստի վերաբերյալ ապացույցների բացակայությունը և ղեկավարվելով Վարչական իրավախախտումների վերաբերյալ ՀՀ օրենսգրքի 293-րդ հոդվածի 1-ին մասի 1-ին և 3-րդ կետերով՝

Ո Ր Ո Շ Ե Ց Ի

1. Ճանապարհային ոստիկանության վարչական տույժ նշանակելու մասին 19.12.2017թ. թիվ 1707334932 որոշումը բեկանել և վարչական իրավախախտման վերաբերյալ գործը կարճել:
2. Ճանապարհային ոստիկանության վարչական տույժ նշանակելու մասին 19.12.2017թ. թիվ 1707334898 որոշումը թողնել անփոփոխ, իսկ վարչական բողոքը՝ դրան վերաբերող մասով, առանց բավարարման:
3. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան՝ օրենքով սահմանված կարգով և ժամկետներում:
4. Սույն որոշման օրինակն ուղարկել Հրանտ Թադևոսյանին և ՃՈ ՏՄՀԽԱ կենտրոն:

Կապարող՝ Հ. Սաֆարյան



Ե. Կարապետյան